

18

HARVARD COLLEGE LIBRARY
FROM THE
HARVARD-YENCHING
INSTITUTE
SEP 26 1928

T
ChL3250.1342.81
49

雲南府志卷之第三十二

藝文志

八

古體詩

晉

述南中志

常璩

赤德中微巨猾干篡白彘乘釁致民塗炭爰迄靈
獻皇極不建牧后失圖並八雄迭進覆車齊軌蒙此
艱難

五言古詩

唐

懷贈南陵常贊府

李白

歲星入漢年方朔見明主調笑當時人中天謝雲
雨一去麒麟閣遂將朝市乖故交不過門秋草日
上階當時何特達獨與我心諧置酒凌高臺歡娛
未曾歇歌動白紵詞舞迴天門月問我心中事爲
君前致辭君看我才能何似魯仲尼大聖猶不遇
小儒安足悲雲南五月中頻喪渡瀘師毒草殺漢
馬張兵奪秦旗至今西洱河流域血擁僵屍將無七

擒畧魯女惜園葵咸陽天下樞累歲人不足雖有
數斗酒不如一杯粟賴得贖宰衡持鈎慰風俗四
顧無所用辭家方求歸霜驚壯士髮淚滿逐臣衣
以此不安席蹉跎身世違終當滅衛謗不受魯人
譏

古風

李白

羽檄如流星虎符合專城喧呼救邊急羣鳥皆夜
鳴白日照紫微三公運權衡天地皆得一澹然四
海清借問此何爲答言楚徵兵渡瀘及五月將赴

雲南征

送李宓雲南伐蠻

儲光羲

昆明濱滇池蠢爾敢逆常天星耀鉄鎖弔彼西南
方總宰統元戎太守齒軍行囊括千萬里矢謨在
廟堂耀耀金虎符一息到炎荒蒐兵自交阯芟舍
出瀘陽羣山高嶽岩淩越如鳥翔封豕驟踰伏巨
象遙披攘廻溪深天淵揭厲踰舟梁立武掃狐域
蛟龍除方良雷霆隨神兵礪礪動穹蒼斬伐若草
木繫縲同豕羊除醜飲瀾河啁啾亂行藏君子惡

薄險王師恥重傷廣車設置梁太白收光芒邊吏
靜縣道新書行紀綱劍閣掉勒歸武弁朝建章龍
樓加命服獬豸擁秋霜邦人頌靈旗側聽河泮泮
京觀在七德休哉我神皇

賀李宓伐蠻歸詩

高適

聖人赫斯怒詔伐西南戎肅穆廟堂上深沉節制
雄遂合感激士得建非常功料死不料敵顧恩寧
顧終鼓行天海外轉戰蠻彝中梯巘近高鳥穿林
經毒蟲鬼門無歸客比戶多南風蜂蠆隔萬里雲

雷隨九攻長驅大浪破
急擊羣山空餉道忽已遠
懸軍垂欲窮精誠動白日噴薄連蒼穹
野食掘田鼠晡殮兼焚
僮收兵列亭堠拓地彌西東
臨事耻苟免履危能餘躬
將星猶照耀邊色何溟濛
瀘水夜可涉交州今始通
歸來長安道名見甘泉宮
廉藺若未死孫吳知音同
相逢論意氣慷慨謝深衷

送哀滋持節冊南詔

權德輿

西南使星去遠徼
通朝聘煙雨熨道深
塵幢漢儀盛途經五尺險
水愛雙流淨上國洽恩波
外臣遵

禮命離亭駐紫驪
且盡尊中聖

元

碧雞山

鄭衍

中慶西南來有山勢雄奕
屏開障大荒壁立數千尺
晴巒疊奇峰幽壑藏怪石
清風響松濤老樹森毛戟
俯瞰滇池水仰矗雲山碧
山靈得異境廟貌存古跡
君侯本世家奉詔平叛逆
茲承寵光行山迎馬首懌
鎮遏良有謀煙瘴似永釋
從此邊陲寧殊勲書竹帛

滇池

喬 堅

滇水不可涉石戟參崆峨胡能宅蛟龍但可藏
鼉鼉渚風蕩驚湍乃爾泥滓多我欲澄其源應自崑
崙阿才謬諒靡救臨流將柰何商山紫芝曲漁父
滄浪歌斯人久不作千載無清波

明

登太華蘭若

布衣郭

文昆明人

夕陽滿秋山餘景落滇水捨舟事幽探路入泉聲
裏風傳隔樹鐘葉響登山屐嗟我以紅塵遊賞從

茲始

又

抗策登危岡前顧路猶緬隔溪聞清磬興與飛雲
遠谷轉泉聲長苔深石徑軟行行如珠林塵累不
煩遣

太華秋曉

郭 文

峩峩蓮華峰孤倚青天表影落昆明寒氣吞金碧
小松杉積古翠溪谷鬱深窈泉鳴萬壑秋嵐霽千
岩曉中有青蓮宮軒然出林杪鐘梵遠悠揚天香

雲南府志 卷之二十三 五
時縹緲緇素既駢臻神龍亦旋繞無著與天親于
焉以藏寶歛起慰輿情傳衣任斯道高據後貌床
萬里入論討坐令祇樹秋變此陽春杲山勢彌增
崇湖光益精澈噫予尙風慕柰茲塵務擾擬效陶
淵明相從此投老

春日遊盤龍山

解元 唐堯官 晉寧人

晨遊越郊垆鬱鬱龍山樹春風扇微和暇日聊游
豫麥隴秀新苗溪橋炯雙鷺崎嶇蓮社行彷彿桃
源路塞源澄我心石徑閒予步况復臨高臺松聲

儼韶濩幻作三峩觀若與七聖遇奇峰翠欲滴福
地金曾布空悲愛網牽願解慈航渡濁酒瀉瓊卮
遙空飛玉兔鳩杖且須停睠此遺塵慮

明月石

唐堯官

西南盛招提岷翠惟螺峰捫蘿路詰屈陟蹺臨蒼
穹雲中仙梵響大士殿益崇山茶燦如錦松栢翠
煙籠夕景色已收明月升其東秀出一片石光彩
照巖窠賓主坐相酬子夜曲未終下方城郭近歸
騎且從容

雲南府志 卷之二十一
六
謁二忠祠

夏言

朝出南城門望見城南祠含悽眺田野灑淚升堂
基棟宇何嵒嵒松栢森前墀言念二君子皎皎雙
玉枝聖皇啓初運元孽據滇池御命屬後先仗節
死一時義氣動殊俗英聲動邊陲列聖眷明德憲
臣繼陳詞褒揚錫異典記述磨穹碑余奉萬里役
弭節昆明涯弔往有深蹙感今重遐思道消仁義
捐俗降節槩虧洵濤蕩激中見此千仞崖疾風轉
高蓬勁草終弗移斯人从徂謝俎豆光陸離榮名

豈終極天柱奚足悲

本朝

弔富民烈婦謝氏

按察使許纘曾

滇南有烈婦名貫祕霜筠邦人爲予言大義凌青
旻少小事夫壻同德諧良辰何期九微作哀飈忽
揚塵摧桐格儔侶虎落聲信信明星爛井野照此
幽蘭緦束身秉其烈勁節生嶙峋白刃懸在手化
碧塞河濬曦暘澹無色黃雲崩城闔長風從此逝
啼鵲血淚新古道且於髮委蛇多逡巡舉世稱兒

雲南府志 卷之三
郎不及豪華巾一朝既引決之死無苦辛流馨薄
彤管淑節遺千春馬鬣鳴長松皓月棲明禋華山
高仰崖髮鬣留丹珉

環雲巖

督學 吳自肅 山東人

有奇不終閱時至則事起天運與人心相乘難自
已此洞闢當年未許窺終始云胡延至今乃得遇
知己鑿石見雲根虛靈出妙理雜植以亭臺點綴
巖壑笑朝看葱嶺煙暮聽螳川水既已栽蕙蘭還
宜培桃李或曰追蘭亭或云媿錦里我來值秋深

紅黃滿樹裏感茲愜素心臨風頻徙倚忽然念遭
逢爲山聊誌喜

端午後四日泛舟螳螂川遊環雲巖至雲濤

寺小憇回韜汝弟賦

知府丁 燧

螳川何逶迤淵淪遠城郭理權沿芳湄薰風散蘅
若疊堰障翻車激蕩灘聲作方舟透逝波快若魚
縱壑突兀虎丘山精藍翳松柞馳目失攀躋扣舷
徒倚薄石淙尚潺湲名贖久寂寞蘿薜易簪纓終
古怨猿鶴微雨挾山嵐蒼然空翠落心識老龍窩

歎沫出齷齪未覺沾濕非祇益冥搜樂舉衣就高
崖境幽神則廓古洞開環雲玲瓏謝雕鑿往昔委
荆蓁芟除見弘綽想見開闢人神功變廬霍旋折
逕屢迷臨眺心愈愕方亭冠層阿憑欄憂趾錯藉
草欣綠蕤寒葩炫丹萼披襟俯洪流塵慮資漑淪
忽起嘉遯心結茅侶猿猱朝夕玩雲濤山僧應許
諾

徵元門落成喜以紀勝

知州蔣廷銓

長洲人

天道有盈虛人事多徃復智者任自然俯仰樂清

淑昆陽居瀛壖山川鮮倚伏南來疊嶂青海水不
盈掬以斯叅至理寸心在化育登臨倚新閣長天
恣遊目飛鳥落平沙亭雲曳山麓瀏瀏太古風冉
冉垂條綠開池種白蓮堤上植松竹相招數君子
吟笑解春服元會自伊始佳哉年世卜

圓通寺和壁間韻

王季標

花雨滿祇園好鳥鳴不已於此鳥聲中豁然悟名
理始知諸相幼役役勞衆體清言一披對夙昔真
井底八萬四千座忽現丈室裡去住兩何礙天地

雲南府志
卷之二十三
九
吾旅即

宿寶珠寺

徐翔鵬

隨雨過石樑穿林尋舊路遙望蛾眉峰青蒼仍如
故山門冷翠封間牕白雲護老僧喜我來相坐話
庭樹夜宿虛堂中豁然醒迷悟溪月度深松一床
滿煙霧何日却樊籠歸向此中住

自歸化寺至板橋驛

趙士麟

我來歸化寺東西古杉植以策細數之盈十又餘
一森秀樸鬚蒼蒼宇亦修飾流連日將徂僕夫促

七言古詩

唐

賀南詔獻地圖土貢

元稹

西南六詔有遺種僻在荒陬路尋壅部落支離君
長賤比諸蠻彝爲幽冗吐番強盛頻侵削降有懼
心戰無勇夜防欽盜保深山朝望煙塵上高塚烏
道繩橋來款附非因慕化因危悚清平官繫金吐
嵯求天叩地持雙拱益州大將韋令公頃實遭時
定泝隴自居劇鎮無他績幸得蠻來固恩寵爲蠻

雲南府志 卷之二十三
開道引蠻朝迎蠻送蠻常繼踵天子臨軒四方賀
朝廷無事惟端拱漏天走馬春雨寒瀘水飛地瘴
煙重椎頭醜類除憂患瘴足役夫勞洶湧吐番
市歲不供雲蠻通好轡長駮戎王養馬漸多年南
人耗賴西人恐

明

登聚遠樓

平 顯 杭州人

白日送客還南滇夜夢還踏滇池船連峰倒垂二
百里白雲水底行青天五華山上香風起萬點菱

花墮秋水僧遊海藏受齋歸小笠輕袍船一葦霜
眉碧眼高結喉揖余同登絕頂樓樓中古篆屈鼎
足黃金揭榜蟠銀鈎傾壺共灑浮提汁東壁淋漓
電光入扶桑惡風掀海立金馬騰驤脫其繫攄虹
聳見西浪風遙聞雞犬白雲中羽人不謹碧雞籠
躍出一朶青芙蓉芙蓉花開成碧藕玉案流泉旨
於酒東北飛來鶴上僊云是商山採芝叟苾芻厭
喧寂坐久空床却作獅子吼獅子吼聲吼如雷螺
巖石扇訇而開招我題詩蒼翠壁呼童爲掃夜明

雲南府志 卷之二十一
苔膜拜其中金粟影珊瑚舌相青蓮臺因談空空
論白荼分霑法喜清涼杯我時六人斷塵縛若將
終身有斯樂天雞振羽啼一聲下界奔濤滿松壑
松濤撲面冷然驚官街鐘鼓交鏗鏗煙霞已失笑
傲伴夢寐徒憶滇陽城滇陽城渺何許客歸應念
平生語相思石上舊精魂萬里蘿龕一燈雨

賦得滇池夜月

郭文

長天無雲山四青白月在水搖虛明冷涵萬象鏡
光裏乾坤一色秋冥冥玉壺載酒遊空碧人在清

冷水晶域座中何郎湖海客醉眼却嫌滇水窄飄
飄書劍不可留坐令樂事成離憂安得身如水與
月千里萬里隨君舟

雲南詩

史公謹

城南雙塔高嵯峨城北千山如湧波隔斷中原萬
餘里耳邊無處聞弦歌我來正值兵戈後厭聽邊
聲出刁斗壯士沉雄細柳營豈效棘門空赳赳金
戈鐵馬擁雲霧顧爾羣兒如培塿軍中大將漢武
侯氣吐虹霓橫素秋七擒七縱平其酋殺氣慄淡

雲南府志 卷之二十二 藝文八
空中收羣氓赴墟出方物蒟醬芡馬隨旄牛蠻語
侏儻若禽鳥笑聽華言無諳曉縱橫跋扈無尊卑
翻覺王臣眼中小回首令人憶中國拔劍高歌倚
天立碧雞蒼蒼元氣濕梁王宮殿爲荆棘鷓鴣朝
鳴狐夜集金滿床頭總何益不如一醉杏花村濯
足昆明看山色

登曠怡樓

巡撫鄭顥錢塘人

上人棲迹雲霞中樓居背倚青芙蓉映簾花木四
攢遶深幽雅稱金仙宮古聞滇陽擅佳麗五華特

秀西南叢滄波遠引勢吞吐城闔俯瞰煙滇濛樓
臺萬井互參列溪圖百尺高凌空面前岡巒總奔
赴嵯峨宛若君山峰

羅漢岩

副使李元陽太和人

湖上飛岩映波綠石壁挿水山無足艤艇躋攀到
上頭下見湖光洗寒玉寒玉洶湧動席前二十萬
頃涵雲煙冥冥一鶴飛不去天際迴翔似有緣我
聞羨門與偓佺常騎皓鶴凌茫然得無知我有奇
骨將期汗漫遊先天須與鶴去天雞唱長風吹予

雲南府志 卷之二十二 藝文八
度層嶂路絕頻經海鷗巢袂輕不用仙翁杖岩際
高低刻應真遊客何人是後身悵望雲輶久延佇
六合有盡秋無垠古來躐達更何在惟有此山長
不改把酒臨風酹白雲浩歌一曲聲翻海聲翻海
非世情蛟鱗鯢鵬總失驚走卻海若與山精融融
灑氣虛空窄何必天台訪赤城

安寧溫泉同升庵脩撰

李元陽

碧雞空翠映螳川坐見湯池起夕煙谷口招尋仙
作伴自矜同上李膺船溪迴谷轉滇陰道霧散依

違着花草變變紅亭跨綠波遙遙金鈎依雲窩紅
亭金鋪揔相宜水閣雲屏互蔽虧地脉陰陽割天
巧池心玉石奪人奇誰家羅衣着白苧繁花照耀
清江渚赤脚奴兒習泳滌挈得銀瓶傍崖煮酒香
花氣薰遊人浩歌着足鳳山春麗石溫疑錦綉段
香波氣鬱膏蘭辛可憐岩窟淨如拭更向澄源理
容色祇知毛髮鑿去來詎意塵顏轉悽惻君不見
驪岫氤氳水殿香太真浴罷宮雲涼君王當日歌
遊地泱泱風沙西日黃

雲南府志 卷之三十一
星回節

失名

滇中六月廿四日燒松火雲光霽霽脂流滿地
香徹天萬家鐘磬聲寒栗輟春罷市虔祭賽生啖
牛牟口血溢云是當時六詔強九十九部蠶食亡
同姓六人齊稱三大豕寧保鴻鴈行鄧賧詔王推
豐咩浪穹施浪稱三浪中惟鄧賧差仁柔夫人慈
善禮法優奸雄叵測皮羅閣笙歌召會松明樓脫
簪牽裾不得留鐵釧約臂紅淚流阿奴火攻酒半
發炎鳥夔煨飛神丘殘蛾埃煤一簞掃精銅融腕

遺骸收貽來琴瑟同心結謾許同衾誓同穴祁連
塚土血流霞娘子軍旂光奪雪死守何異巡遠堅
忍餓甘共夷齊潔南詔羞慚心尙存妃封寧北城
德源至今生氣凜白日赤龍黯淡風煙昏一炬摧
殘萬劫灰瓊瑤臺上招星廻亦敢舉火竟生食反
燔燄助夫人哀喋血誓隨仇讐肉生吞活剝遍山
谷煙林白鷗湘江龍寒食競渡中外從不謂蠻煙
炳星日令節直追前賈蹤吁嗟夜郎屏阿化日餘
貞禽羽族猶堪書後宮寵冠晉牟后司馬家兒笑

不如

螺峯春遊

辛聯芳

昆明人

山光野色叢青玉，石磴梯雲頻曲曲。
松分細雨入瑤琴，竹搖翠影侵棋局。
枝頭紅紫淺，間深陌上笙歌斷。
復續好將詩酒，苔韶華莫遣花神笑。
人倦

本朝

庚午十月遊黑龍潭擬古

總督范承勳

陟山蜿蜒來西蜀，奔入滇雲頻起伏。
赤磧灰堆亘千重，昆明萬頃環成綠。
欲從盤龍探上流，殘荷衰

柳度田疇鹿賜積，獲高於屋老農擊壤歌。
有秋賓從攜琴踵相接，九十九泉一日涉。
荒郊狐兔已無蹤，韞鷹勒馬看紅葉。
白龍潭復黑龍潭，真人朝帝龍爲驂。
乞封還來臥茲窟，雲雷曉夜停天南。
道人出自長春院，詔詔呼龍與人見。
麥盆在手白魚跳，何物悠然遊水面。
世人訝爲老龍孫，紛投香餌總不吞。
雙眼與波光吐日黃，雲湧水何汙汙。
滇中神奇不勝載，邪龍挾雨白晝晦。
此間神物獨精靈，能將大地沾汪藏。
我爲醜酒酌老龍，鼓琴潭面吟山

松振衣更欲向千仞直踏雲頭五老峯潭中山水
陰陽剖觀極分明有五叟迢迢攬轡望京華仗劍
天邊依北斗

護花山房

范承勳

吾於泉石有奇緣邂逅名花豈不然看花直到海
之濱靈苗一種芳且妍戕之者人護以天天乎人
敢與爭權倘從石淙出螳川更營菟裘將老焉

碧曉書院調弔楊升庵

金序

巡撫田

雲

濟南人

楊升庵先生者新都才子世廟名臣溯家學之
淵源以正叔考亭自守爭朝端之典禮與君實
禹玉同歸父也解組明農子乃抗辭仗節哀號
徹殿陛幾致空朝謫竄赴蠻荒何愁萬里真國
家養士之盛斯臣子守義之榮彼始以尊親爲
辭亦曰誰無人父而寃致豐禰貽誚豈繫古有
典章在豐嚴亦復何心卽張桂不虞至此嘆老
夫其耄矣編摩於憂患者七旬望君門以遠兮
教澤浸淫於六詔酒旗戲鼓流浪餘生剩水殘

山品題到處豐才膏遇著嘉名於蘭臺石室之
 編敗壁頽垣畱遺跡於蔓草荒煙之際惟我蘇
 公范先生采風問俗弔古興懷憶左順門跪伏
 之秋正高王父共事之日永言祖德當年之丰
 采誰同撫此芳蹤先世之忠貞宛覩恍風流以
 如昨寧云前代之遙對榛莽而堪憐尚有毛公
 之字人稱並美德固有鄰以彼二百餘人為始
 為終非無翻覆之子豐坊亦在內獨此西南荒徼一
 生一死羣傳激烈之名時滇人毛玉被杖病劓卒惟遺教之

在人从立祠以風世山川如故依然爭流競秀
 之觀廟貌安存不無世遠年湮之感芟其蕪穢
 爰復新之薦以蘋蘩為可繼也地仍雞麓因夢
 魂所熟流連顏以碧曉借題贈之畱舊額升庵為毛氏別廬曾名之碧曉君子之澤未斬滇人之慕尤長死者
 有知神其永戀望青雲衣兮百世豈有離憂遇
 瀋陽公于九京亦應含笑典刑不朽功德滋深
 用綴篇章聿伸仰止

裸風菑露哀牢疆山川瘴癘難禁當新都公子老

戍客孤臣萬里堪悲傷年七十二金雞香白頭
 搖落西南兇當時世廟議大禮撼門痛哭千夫強仗
 節抗疏言矯矯手觸蠱尾投蠻荒程頤不作朱熹
 死今昔濮議誰斟量先生云臣所據者程頤朱熹之論大禮未定
 大獄起批鱗折檻空激昂璵璠諸人耻同列詎知
 作備來豐坊先生云學術不同議論亦異臣耻與萼等同列明堂秋饗復
 聚訟餘毒林甫爭拍張謂分宜也嗚呼先生遂不返箚
 曾洞獠羣相將木弩含沙火雲熱天教老叟紅
 柳吳粉傅面兩了髻簪花擁伎何徜徉都盧倒吹

潑醉墨熨兒觀者如堵牆白狼嗷吽烏嬰弄百斛
 文鼎非尋常雷碾光焰留南詔好手濃煎班馬香

用黃山谷語我無殘編羅几案如嗅艾納兼都梁藻彩

標格稱絕調矧於大節从堂堂海莊故墟碧雞麓
 猩猩白晝啼書倉巾杖逍遙鬚眉古圖畫遺像生
 光鉉竹檜一徑夾流水菊乾楓落寒雲僵潮州儋
 耳同一轍祠廟最羸摩青蒼小子作蠶自裹縛形
 骸枯槁眠黔陽焉得升階更剪紙招魂歸送蠶鳧
 鄉高吟幻夢誰憐句杲杲冬日朝在房先生詩云遙想生還

成幻夢縱令死去有誰
憐月令十月日在房

登太華山寺

山舊寺兵後頽廢
制府大司馬范公鼎建莊嚴撰太華紀勝

刻鬢鏡

軒中

丁燁

我昔曾經西華岳三峯秀削森如斲玉女明星插
漢高芙蓉去天纔一握蹉跎無計恣躋攀攬轡狂
歌神儼齷裼來滇海已三年今朝乍陟太華巔入
門雙眼眩丹碧應真龍象方新鮮琳宮結構仗節
鉞隱然福地需名賢振衣直造諸天境漱灑湖光
開萬頃是時過雨洗煙鬢西子新粧臨鏡靚漁杖

釣艇亞蒹葭彝猶不礙鷺鷗靜翠鴛金馬送青來
紛綸誰暇窮要領落日澄波散綺霞澱漪駘蕩驚
龍蛇盪胸奇景渺難狀憑闌拊掌徒吁嗟吁嗟兮
直蘭素號仙人窟開闢何人爲闡發子長空自傳
西南忍使名山終汨沒摩挲碑版嘆高文葛巾欲
帶昆明雲擬搦銀鈎千萬紙寄與域中禽向共知
聞卧遊勿忘太華矣作配顥靈從此始

冠蓋山弔廬江學博李先生墓

蔣廷銓

雲南府志 卷之二十一
滇陽西北四五里隱隱巒岡平復起鄉人指說冠
蓋山我即停車思徙倚中有學博古端人姓李兆
旂號三辰馳驅萬里廬江去苜蓿卑官匪要津豈
料紛紜寇賊深北門管鑰共勤辛還似平原不復
顧誓與存亡怒目嗔城陷號呼星斗墜一死生平
酬大義雖自殺身以成仁可憐少子哭且詈幾莖
瘦骨父子屍惟有丹心照天地天南賴有二孤存
招魂祭掃空啼淚先生氣誼古今豪至今猶見雲
山高山高雲白昆池上我欲奠之溪一毛

歌行

唐

天威行

顧雲

蠻嶺高蠻海濶去舸迴艘投此歇一夜舟人得夢
閑草草相呼一時發颶風怒起雲顛狂波濤擺掣
魚龍殭海神怕憊上岩走山林股慄人石藏金馳
飛伏霍閃過白日倒掛金繩長轟轟砢砢雷車轉
霹靂一聲天地戰風走雲開始望看萬里有天才
四片車遥遥馬闐闐平如砥直如弦雲南八國萬

雲南府志 卷之三十一
部落皆知此路來朝天耿恭拜出井底水廣利刺
開山上泉若論終古濟物意二將之功皆小焉

滇池赤藤杖歌

韓愈

赤藤爲杖世未窺臺郎始攜自滇池滇王歸宮避
使者跪進再拜語嗚咿繩橋拄過免傾墮性命造
次蒙扶持途經百國皆莫識君臣聚觀逐旗麾共
傳滇神出水敵赤龍拔鬚血淋漓又云羲和操火
鞭暝到西極嚙所遺幾重包裹自題署不以珍怪
誇荒彝歸來奉贈同舍子浮光照手欲把疑空堂

晝眠倚牖戶飛電著壁拽較螭南宮清深禁闈密
唱和有類吹埙篪妍辭麗句不可繼見寄聊且遇
分司

蠻子朝

白居易

蠻子朝汎皮船兮渡繩橋來自篤州道路遙入界
先經蜀川過蜀將收功先表賀臣國雲南六詔蠻
東連牂牁西連番六詔星居初瑣碎合爲一詔漸
強大開元皇帝雖聖神唯蠻倔強不來賓鮮于仲
通六萬卒征蠻一陣金軍沒至今西洱河岸邊箭

孔刀痕滿枯骨誰知今日慕華風不勞一人蠻白
通誠由陛下休明德亦賴微臣誘諭功德宗看表
知如此笑令中使迎蠻子蠻子道從者誰何摩挲
俗羽雙偃仰清平官持赤藤杖大將軍擊金呿嗟
異牟尋勞尋閣勸待勅召對延英殿上心貴在懷
遠蠻引臨御座近天顏冕旒下垂親勞徠賜衣賜
食移時對移時對不可得大臣相看有羨色可憐
宰相拖紫佩金章朝日唯聞對一刻
明

惡氛行

修撰
楊慎

金馬山前惡氛起賊馬來飲滇池水城西放火銀
漢紅炎燄城頭高十里兩重日暈圍白虹萬家仰
首呼蒼穹相顧慘然無顏色嗚呼寄命須臾中賊
徒渾幾個枕戈臨水臥我軍屯北門分明不敢過
土酋齧盟來索官城上無言騎堞看父老倉忙雙
涕泗細說去冬尋甸事絃急柱促柄倒持首禍今
朝竟何自堂堂之陣誰主兵喁喁公等皆儒生賊
來不肯令出哨賊去但解擡空營豈無雄武士奮

身思一決咫尺轅門不敢前怒髮衝冠氣填咽況
 聞千金逐日費連月公儲已傾竭土官抄掠盡村
 園升天無梯地無穴熙皞閭閻踰百年太平官府
 真神仙紫微迢迢華蓋遠虛將歆朴威窮邊邊隅
 一旦紛解瓦暗鳴變作擎拳者暗鳴擎拳兩柰何
 君不見建武年中任校尉又不見開元年中張虔
 陀

臥月引

楊慎

昆明池上逢錢郎青雲爲衣白霓裳手持寶月金

仙偈口誦明星玉女章自言五華峯上在夢遊方

丈瀛洲路馭風學霧雨無心惟愛月華籠海樹少

年名姓懸月中老去猶充脩月戶宋家仙人名無

忌持斧吳剛作仙使下界愛月升高丘步虛一聲

龍白頭何如行葦臥明月仰看銀河天倒流翳鳳

驟鸞過北斗焰景煌煌酌天酒白兔爲脯桂作薪

笑招吳宋兩仙人老蟾踏翻醉不醒嫦娥起舞榆

花春

明

雲南府志 卷之二十一
昆明池歌

巡撫 顧應祥 長興人

昆明池延袤數百里千山萬山直自崑崙來諸山之
水滙於此相傳其水顛倒流滇池之名由此始
左有金馬山右有碧雞峯瀾漫浩瀚渺無際但見
紅濤巨浪日夕排蒼空青天忽驚白日起霹靂震
撼蛟龍宮天吳水怪九首八足不可以名狀時復
出沒於其中有時風恬波浪息一碧萬頃開青銅
其廣也如此胡爲乎不在九域之內不得與五湖
七澤相爭雄神禹治水跡不到穆王八駿難爲窮

漢王鑿池徒髣髴王褒將命何處似唐宋以來各
僭據聲教不與中國通天開景運聖人出一掃海
內羣邪空五服之外更五服俛首授命歸提封侏
儻推結之類吾不知其幾千萬種禮樂不異車書
同漱余生當全盛日觀風雨度乘青驄古來多少
豪傑士局於偏安之世不得一洗瑰磊胸百年過
眼一彈指得此勝覽真奇逢振衣獨立太華頂狂
歌目斷孤飛鴻

登羅漢寺歌

督學 楊師孔 廬陵人

雲南府志 卷之三十一
誰鞭太古一片石縹緲下浸昆明圻噴岷突兀古
宿尊袈裟靜染天雲碧云白鴻濛入定來日月跳
波雙眼開等閑一坐三千劫風輪石火無纖埃攜
將托鉢置天涯一滴醍醐萬頃霞浩浩驚濤翻不
定毒龍靜制深無譁化城蘭若逗空見鬼斧擘雲
開素練紺殿璇宮青壁巢覺路天門爭一線俯瞰
虛無只見水白毫隱映空明裏鐘聲遠激海鷗心
峯陰倒幻蓮華葢振衣卓錫搏空起跨鶴飛來一
萬里旋采松花醉紫霞指食石竅青泥髓悟來且

證酒中禪芥子須彌未剖前無縫法門何用地到
來彼岸不須船個中消息向誰求海月初生水倒
流共君細話三生石羅漢峯高亦點頭

本朝

龍潭曲

布政彭而述
南陽人

昆明城東北十五里小山數四古刹歷落老樹
蒼藤虧蔽雲日潭出其麓深綠無底岸有楊柳
孤祠頽然有龍其下偶同藩伯李嵩岑臬司崔
脩庵孔守聶令諸子載酒來遊讀壁書感之爲

雲南府志
卷之三十一
三
作此曲

盤渦沉綠深無底中有龍孫與龍子湧腥跳沐八
千似陰風窸窣萬山圯蝸蜒敗壁血光紅靈旗白
馬塞虛空峩冠長劍氣如虹左右環珮響玲瓏匄
葉珠被被青驄綠粉掃天日光薄鬼火如漆照哀
壑池館楊柳人森寒黃昏翠幙如殘郭

其二

三韓鐵馬蛇鱗甲關嶺南來雷電雪昆明海水潑
天黑大家奔出緬甸國王侯落魄失枝梧或降或

走只須臾誓死屈強惟老儒攜妻抱子向天呼碧
潭洩洞深難測琉璃堆成蛟龍室垂楊倒影走遊
魚一門大小人者七白日屍浮水不流骨肉指爪
相綯繆日月慘黷天地暗野棠青火衰草畔蛛網
遊絲纏舊壁破簷卑濕蟲淅瀝霜華缺月下鐘聲
時見陰魂結隊行

甲辰重九復遊鸚鵡庵

彭而述

向者登臨值此地勝友如雲八九人今日尋秋復
到此載罹寒暑更五春追憶舊遊復星散或生或

死各鄉縣眼前古檜黃葉稠把臂同心何由見自
嘆人生會面難朱門駝馬散如煙當日聯床風雨
夜此日忽隔九嶷山後會無期魂斷絕丹青信誓
限吳越轉憶前此五年遊黃昏同看中秋月

王總戎招遊香海庵

知府顧岱無錫人

二月仙臺楊柳陌將軍載酒同攜屨春雨春風煖
更塞桃花李花紅復白錦帶瑠弓繫綺裘金鞍玉
勒五華虬帳前八百好鎗手深山虎豹生離愁香
海座上無生客新語遷儒亦案幘胡牀閱射共彈

碁日暮苔茵再移席行廚珍列酒氣濃健兒會獵
前高峯射鹿一隻致麾下割肉生啖何豪雄隨意
舉觴醉不覺催花流轉花滿握半龕松月風冷冷
小院藥闌春濯濯曲水蘭亭久不開東山歌妓無
人推眼前春色誰爲主別後清流幾個來我醉隨
君醒語佛醒能擾人醉能逸紅玉重調十五弦虎
頭一醉三千日

護花山房行

督學吳自肅海豐人

奇花奇木奇山川樂與奇士相周旋天地有奇不

怒秘徃徃奇士因人傳益梁山水多奇關仙葩異
本紛呈妍新都才子楊太史品題健筆稱如椽菁
華已竭蹇裳去百年以後無聞焉司馬范公開制
府雲雷風月擔雙肩屐齒經臨成不朽文章蔚起
光前贊太華五華開生面碧曉龍洞青瑤鑿拳石
細流爭自奮谷蘭澗芷情同牽曹溪優曇號奇種
豕蛇肆虐誰知憐靈根不壞生萌蘖二十餘載埋
荒煙主人再來知南向崇朝霧捲披青天揮斤運
斧淨宿莽偃僂餘息光澄鮮一楹經始爲花護部
曲位置儼官聯指點不離方寸地浴芬漸滿春風
巔一時貝葉回佛性跏趺結坐如棲禪天平人歟
深莫解奇蹟千載銘連然

昆陽行

知州 蔣廷銓 長洲人

昔年蜀寇紛馳逐舊鬼含冤新鬼哭昆陽聞更慘
最深大半人民遭橫戮城甃移作舊王宮東向滇
池西月麓童山春老樹色無茅簷土舍土岩屋大
村不滿五十戶小村幾家數椽木物價由來不大
高斗米青蚨三百六遠者崎嶇近拮据男肩女負

街頭鬻白粲紅鮮相間陳隻雞苦莧亦僕僕可憐
老幼競出門薄暮論錢不盈掬我至催科無柰何
聊示蒲鞭痛心腹每日州門雀可羅吏人早散公
庭肅三泊從來有縣宰僻隘奉裁歸州牧有地不
毛田荒蕪非苦高原卽濟瀆褰衣循行仰吁歛父
老指陳隄防築高爲開渠深爲堤夙興夜寐忘局
促往還叢棘高崖巔幾就禪宮燈下宿但要民歌
大有年敢希西門稱芳躅天心仁愛最無私五風
十雨快心目曾孫有慶田峻喜旨酒歡呼新釀熟

官舍蕭條亦欣欣曉起焚香向天祝偶開圖畫一
消閒素壁高掛匡廬瀑安得歐公廬山高雄追青
蓮句相續手持椽拂步遲遲呼童冒雨分脩竹牀
頭書籍渾零亂信手拈來隨意讀細和淵明處士
詩吾愛吾廬二三徑菊忽憶扁舟洞庭遊南雲北雲
春草綠

五言律詩

唐

南中寄皇甫侍御

賈島

曉鐘催早朝
自是赴嘉招
舟泊湘江濶
田收楚澤遙
鴈驚起衰草
猿渴下寒條
來使黔南日
時應問寂寥

送雍陶入蜀

賈島

江山事若諳
那肯滯雲南
草色分危磴
杉陰近古潭
日斜褒谷鳥
夏淺雋州蠶
吾自疑雙鬢
相逢更

雲南府志
卷之三十三
三

不堪

送裴璋還蜀

雍陶

家在劍南外新年音信稀
自爲千里客已送幾人歸
陌上月初落馬前花正飛
離言殊未盡春雨濕征衣

宋

得南中山呼鳥

蘇軾

終日鎖筠籠回頭惜翠茸
誰知聲噓噓亦是意重重
夜宿煙生浦朝鳴日上峯
故巢何處是鷹隼豈

能容

明

晚入五華山

胡粹中

向晚歸幽寺明霞飛遠林
四山新雨歇一徑綠苔深
松老齊僧臘泉鳴扣梵音
階前兩馴鹿去任任禪心

望楊林澤

蘭茂

秋水涵空濶登樓雨霽時
山低月上早風細浪生遲
鳧雁棲難定魚龍勢莫窺
何人舟一葉撐破碧

雲南府志
卷之三
琉璃

遊法華寺和韻

大學士楊一清
安寧人

重關絕來往惟有白雲通萬事都歸幻浮生本是
空心閒波自止性定月方中亦有淵明興留詩寄
遠公

公署漫興

巡撫唐龍
蘭谿人

亭上鶯花老風光轉芰荷如何春日裏都向客鄉
過遠海波聲少近山雲氣多醉中時慷慨不敢向
人歌

又

洞門鎖清晝一徑落花深把酒對山色讀書隨樹
陰田園荒舊業松菊憶初心細草江城暮愁聞鶉
鳩吟

圓通寺

唐龍

物外暫招尋惟聞鐘磬音松蘿栖梵影水石定禪
心雲去蒼崖濕僧歸紫逕深滇池風雨至正好聽
龍吟

滇池泛舟見新鴈

楊慎

忽見行行鴈來應自故鄉天涯多少路雲際幾番
霜滇水饒葭菼禺山足稻梁金河爾休戀無限塞
弦張

過石碁訪王仁求遺跡

楊慎

唐代河東守周朝聖后時土花封綠字石髮被金
碑泣露麟猶臥嘶風馬自悲荒涼誰過問羆乘久
湮遺

遊法華寺晚歸再飲進岑樓

楊慎

羅綺絆山遊雲林意轉幽苔愁金屐齒花妬錦纏

頭陽燄紅將斂晴嵐翠欲流清樽興不盡邀月坐
岑樓

海口

萬古昆池水西南天地間漫誇吞夢澤曾笑涸梁
山鴻隙行當復龍宮徙亦艱千村廢耕耜不見海
童還

冉過龍口

楊慎

仙家小有洞山中大畜天騰蛇遊豹霧蝙蝠飲龍
泉仙露明珠墜剛風石髓懸重遊尋醉墨再紀赤

雲南府志 卷之三十三
明年

滇南卽事

都督沐

璘 定遠人

漫說滇南俗人民半雜彝管絃春舍早燈火夜街
遲問歲占雞骨禳凶瘞虎皮輜車巡歷處時聽語
侏儻

溫泉

主事陳孟章 安寧人

陽和蒸石窟碧水沸靈湫暖玉纓堪濯香蘭病許
瘳笙歌喧靜夜花鳥入瀛洲莫道驪山勝應憐洱
海陬

曹溪夜月

陳孟章

樹密山藏寺禪清月麗空天開銀色界水湧玉華
宮鶴息松稍影濤鳴樹杪風清光堪挹處幽興幾
人同

遊華亭寺

布政郭 昆明人 丰

出郭地逾靜尋巖徑轉深村煙浮遠樹瘴雨結遙
岑真境無人到空門有客臨長吟待明月杯酒借
同心

入滇

張時徹 四明人

雲南府志 卷之三十一
天邊乘傳客歷險到殊方草長知烽息民流屬歲
荒巖花薰澗壑木葉墮衣裳何事秋風起愁看白
髮長

又

山路日多雨我行猶未休碧溪雲不定青草瘴仍
稠客久旌旄落天空鶴鶴秋卜居何以賦長嘯攬
吳鈞

春日登螺峯

孫繼曾昆明人

亂石嶙峋異尋深曲逕通藏蛟陰吐氣蹲虎晝吟

風人自半空下峯由百轉中星羅千萬戶俯瞰夕
陽紅

遊羅漢寺

光祿施昱昆明人

一到諸天上秋風覺更涼桂花飄合殿松影匝迴
廊路折山環翠泉流石噴香真成幽絕處塵慮與
俱忘

送人歸滇

施昱

逮繫經時从懷鄉覺念深寸心懸萬里隻字倍千
金惆悵逢歸客叮嚀寄好音天王自明聖持此慰

親心

春適高曉毛碧曉園亭

施昱

碧山成小隱枝履日逍遙曲徑清風竇危欄明只
橋荷錢初覆水竹箭欲冲霄偶過聽鶯處鶯聲還
自嬌

送施二華之任滇南叅帥

戴焯

鵲印新恩重熊車熟路輕千盤辭劍閣萬里赴昆
明膽落烏蠻洞風清驃騎營天威息兵甲一曲繼
南征

盤龍寺

唐堯官晉寧人

野寺盤龍古登臨二月天山門遙對海石壁澹生
煙淨域三乘近梨花一徑偏何當謝塵鞅於此奉
金仙

又

畫閣中天起崎嶇石磴重客遊春載酒僧飲午鳴
鐘樹老棲雙鵠泉幽瀉五龍心閒無一事揮塵自
從容

又

雲南府志 卷之三十一
古木晝陰陰亭高翠欲沉酒盃踈世事水石見禪
心竹榻閒堪臥蓮峯幼可尋寒林風乍起疑是海
潮音

高曉登舟

閃應雷 永昌人

湖光三百里一棹界中流碧漢銜波動青山拍鏡
浮葦煙迷鷺渚篙月掛魚舟不待逢搖落蕭蕭六
月秋

暮春東臯晚眺

孟富 山陽人

連朝來好雨新水漲平溪紅濕花粘徑綠肥菜長

畦春殘鵲叫切風軟燕飛低偶向晴郊眺牛竿下
日西

宿板橋驛感懷

御史李宗泗 昆明人

恩重南歸命何辭萬里勞鄉情華嶺月旅夢古瀕
濤遊子悲書種親垣慮免巢徘徊無限意深夜首
頻搔

過祿豐

督學方沆 莆田人

千山開井邑隴畝報年豐籬落晴煙外襜帷嶺樹
中踈花秋自發絕壁路仍通淒斷登臨恨閩雲半

畝宮

秋日過妙湛寺

孫光烈

葉落滿秋山蕭蕭精舍閒
桂金香竹簾簷玉冷柴
關閣望魚舟際門臨塔影
間幾年頻過此攀話接
僧顏

送謝在杭叅滇藩

曹佺 閩人

萬里滇南國迢迢使節臨
親朋稀見面彝漢共傾
心有水皆名海無花不作
林碧雞金馬蹟到日一
搜尋

松影寺

王來儀 昆明人

松際鑿朝旭晴瀾有渡杯
不甘泉石冷寧免世塵
麾煙老僧初定山空我
始來無生能自悟佛面
為重開

圓通寺和石壁韻

王琦 昆明人

陸嶺峙山陰龍江帶郭臨
晴峯來野色秋日澹塵
心愛石搜荒徑麾巖續舊
吟天風驚殿閣別是一
清音

長安憶滇中

傅宗龍 昆明人

雲南府志 卷之二十三
長安城裏望時亦見西山未似當歸路爲能開笑
顏吾家近巖壑往歲喜躋攀若作山中夢滇雲咫尺間

與友泛螳川

楊慶元 昆明人

偶然佳興發襍被與君同二月春將半山花兩岸
紅舟行如畫裏俗慮盡濤中勝遊從不少自信此
尤工

冬日宿升庵先生祠

繆傳臚 昆明人

逐浪人何在西嶢屬鉅公寒梅獨占雪勁草不搖

風夢蝶應忘寄聞雞欲叩穹清宵鐘漏靜來往嘆
飄蓬

華亭寺

李明通 石屏人

寺向峯頭見湖於塔外收松杉夾道古水石抱雲
幽殿制同方廣僧規倣趙州如何來信宿容易轉
船頭

送客回滇

唐 秦 晉寧人

此去堪消息垂楊響杜鵑扁舟渾不定兩鬢已蒼
然江上故人酒雨中寒食天况兼烽火惡何處問

雲南府志 卷之三十三 四
吾滇

本朝

送客之滇因憶禹峯方伯

尙書

龔鼎孳合肥人

故人今幕府高宴會昆明乘興胡床展登樓異域
情六朝軍祭酒雙鬢老狂生蚤佐驃姚畫諸州望
息兵

夏日遊虎丘寺

程封江夏人

那有愚公術移來此虎丘瘴煙非故土霧雨似深

秋樹影全遮月泉聲半入樓何堪歌調好把酒一
消愁

弔白公妾馬氏有引

無名氏

側聞婦人之義從一而終貞烈之風古今所重
况以捐軀之大節出於抱衾之小星事既可傳
豈容無紀故滇臬司白公皓首一官星馳萬里
冒冰霜而就道歷險阻以成疴豈意下車之時
卽爲捐館之日其妾馬氏隴西人也幽閉年少
貞烈性成當白公邁疾之日卽親嘗湯藥衣不

雲南府志 卷之三十一 四
解帶於床前至白公疾篤之時更誓死捐生定
欲相從於地下及公歿之後哀痛益切拒食投
繯慷慨從容兼有之矣特拈四韻爲賦一章在
今日借吟咏以當表揚少慰貞魂於冥漠倘他
年因篇章而傳史冊實維名教於邊荒率爾短
篇愧非佳句

貞烈心猶在衾裯夢已空一縵懸大節雙櫬起悲
風名重煙荒外魂依逆旅中捐生能報主應與墮
樓同

題楊升庵太史祠

許弘勳

盈廷爭大禮頓覺縉紳空竄謫原無算芬芳獨有
公撼門承父志論統激宸衷贏得千秋後高嶢廟
祀崇

脩禊日集諸友泛昆池

許弘勳

天朗湖風暢遊人往復回心涵春水濶興逐太華
開捧劍爭傳勝流觴愧不才試看羅漢壁汗雨笑
聲雷

又

雲南府志 卷之三十一
湖靜春煙亂風恬晚浪平飄然觴咏樂頓悟死生
輕絕巘遊人醉中流我輩清遲回白馬寺猶有按
歌聲

安寧曹溪寺

許弘勳

不識曹溪寺今探聖水池寶華連碧漢瓊宇落雕
楣潮已無三候蟾何得一窺寥寥鐘簾外太史有
豐碑

遊安寧溫泉用杜工部何將軍韻

許弘勳

尚記崎嶇路渾忘偏仄橋澄清泉見底和暖氣冲
霄寮案侵晨別中丞昨夜招籃輿高復下抵暮不
知遙

昆陽石城

許弘勳

位置全如邑門陰薛荔長舉杯堪累日割地占昆
陽潭水流山麓梅花照女牆吾思卜小築投老作
雲莊

滇境

督學 吳自肅 海豐人

纔入滇南境雙眸分外明諸巒環秀色芳樹帶文

情亂後民風儉秋來野氣清相看初攬轡何敢負
生平

曹溪寺

吳自肅

路轉春風細心傾野衲閒驚聞潮聖水恐不看名
山煙走雲迎客花飛鳥解顏漸聞清磬響不復似
人間

湧泉寺

顧

問

嘉定人

衰草迷荒徑行行到石巔那知黃葉寺只在白雲
天戀日孤僧老分流野菜鮮徘徊遺蹟處曲水斷

還連

曹溪寺次壁間韻

丁

焯

晉江人

策馬尋溪路穿林訪梵宮地高雲氣合山靜客心
同六瓣花仍發三潮信已空探奇捫古壁徙倚夕
陽紅

歸化寺

丁

焯

絕域開龍藏天池啓鴈堂山橫金馬麗門對碧雞
蒼殿閣梢雲直松杉拂漢長應真遺像好瞻拜遠
迴廊

碧曉書院弔楊升庵先生

張毓碧 江陵人

碧曉遺舊意山廟白雲封投老炎方骨飄萍滇海

蹤鷓啼鄉夢血風折講臺松誰是齊名者當年有

彥龍 范濬溪公與先生同被廷杖

又

大禮終難紊臣心不敢違國門三日淚邊戍十年

衣古木陰秋院寒濤激斷磯一杯添俯仰落日晚

鴉歸

海口紀事

蔣廷銓

滇海多春漲川流自此通南迴孤嶂碧西倒夕陽

紅大野隨天濶平沙落磧空褰衣時獨往猶想古

人風

梁王山卽事

知州李雲龍 襄平人

逝者如斯水梁王何有山剪桐非是戲滋蔓可容

還佛刹來雙塔漁舟占一灣雖然名不沒那及鷺

鷗閒

喜雨

知縣姜其垓 黃縣人

夏日嗟雲漢龜山起暮煙雷驚炎暑退風捲浪濤

雲南府志 卷之三十一
望
濺綠見城頭樹青知郭外田催科慚政拙援瑟慶
豐年

又

颯颯復潺潺商羊特地偏殘虹張鳳翼新水瀉龍
泉梅子和煙重優曇帶露鮮野人知 帝力冒雨
踏桑田

楊林道中

唐祖命晉陵人

漸覺逢佳境行行路未長遠山斜帶屋秋水曲通
航古寺深林裏豐碑大道旁不堪西望處煙景劇

蒼茫

同王登山遊進耳寺

沈廷標秀水人

晴日春煙煖山畦遍荳花漫隨沙徑去同入野僧
家指點空巖樹邀來方丈茶平生踈禮數不用具
袈裟

弔升庵先生

本元武陵人

若以文人論無人不可祠史書名字重忠諫主臣
知一卒天涯老千秋道在茲至今昆海月獨照古
鬚眉

又

山亦因人重松杉起暮思孤忠終古恨異地一身
危直道時當忌文章代可師荒祠遺像在幸觀昔
威儀

夏日同諸公遊昆池次程石門韻

本元

新霽雲猶濕峯峯聞瀑泉因詢先哲隱遙過太華
邊山水邀同志琴樽豈礙禪波光清可掬不覺暑
餘天

同諸子遊圓通寺

本元

春晴諸子約把臂喜同行訪寺斜穿市看山反入
城飛樓雲幻出危徑翠橫生坐俯石牕下昆池一
鑑明

庚午新秋制府招遊雄川閣 本元

雨餘新氣爽彩艦泛秋光野濶連天碧風微入座
涼琴移山水靜棹動芰荷香主客情偏逸行歌帶
夕陽

沙浪洞

周

雲

晉陵人

雲南府志 卷之二十一 碑
不是神仙府全無斧鑿痕此間安樂竈何用覓崑
崙深澗圍如帶青山長在門水窮雲起處別有一
乾坤

中秋登羅漢岩

周 震

天下中秋月羅岩分外明天低皓魄大夜靜客愁
清寂寞浮生事淒涼故國情江南應有鴈飛不到
滇城

弔楊升庵太史

周 震

生死渾無計忠言痛哭陳投荒一卒老不愧百年

身昧谷開文運明廷少直臣至今光俎豆何似畫
麒麟

連然溫泉

周 震

水火誰烹煉陰陽氣欲勻氤氲流石液珠玉辟風
塵何處安丹竈窮源問鬼神當年開鑿者疑是漢
仙人

又

清心誰似水溫得聖之和終古陽春意遊人白雪
多鬚眉泉細見毫髮垢消磨一滌風塵色披襟發

浩歌

登羅漢岩

李棠

海氣天光合雲深樹影連
披蘿登絕頂極目小平
川直附青雲上如同星宿懸
茲迨渾不倦長夜竟
忘眠

雄川閣

朱昂昆明人

高閣敞虛明登臨四望平
華山青隔岸昆水白浮
城檣櫓西南集風濤日夜驚
停盃時縱目欲暮遠
煙橫

望羅漢岩

朱昂

蒼翠難名似高深理莫分
秋生萬壑樹僧臥一床
雲爽氣朝常變猿聲靜不聞
幾回勞杖履吟眺送
斜曛

登潮音閣

朱昂

盡道夕陽好樓高四面空
一牕新爽色萬點碧荷
風塔影澄杯底山容落鏡中
僧閒偏愛客買酒醉
山翁

和楊厥開遊溫泉

楊泰安寧人

輕舟移棹晚迤迤
即溫泉日入春山暗
波明夜氣
鮮浴沂思點瑟
解慍憶虞絃
蕩滌同今古
流連老
歲年

昆陽曉望

張紫文
昆明人

危樓乘旭景
憑檻一茫茫
海勢依城盡
波光帶日
長
魚鹽帆百里
村落水中央
澤雁飛鳴意
將無感
故鄉

昆明春望

張紫文

湖草綠連天
春光望可憐
俯城濠萬曲
浮海塔雙

懸鴉啄空營
肉農栖近岸
船羅岩煙雨
外蒼迥獨
依然

玉帶堤

李聯泰
昆明人

曾說梁王築
渠川岸裏沙
螺浮千頃玉
雁宿一灣
霞浪湧潮聲
急舟橫柳陌
斜蒼茫春晝
晚往蹟漫
相誇

冬遊圓通寺步夏桂洲先生壁上韻

陳光緒
昆明人

壁立氣森陰
晴冬一望臨
羣山皆欲晦
萬籟本無

心石上誰先刻閒中我獨吟難忘丘壑想今古總
知音

吳井

性寬

遍嘗滇海水吳井一堪傳甘美欺山澗清冷遜石
泉煮茶春泛雪吹雨翠浮煙日汲人如市疲驢跨
一錢

宿寶泉寺

李從邕

昆陽人

秋杪秋光澹尋幽過小橋夕陽林黯黯客意夜遙
遙泉沸聲如梵村春路近樵牕虛時縱目明月更





